

湘綺樓全書

湘綺樓全書

甫田之什毛詩詁訓傳第廿一 小雅六

詩十四 鄭氏箋 王氏補箋

甫田刺幽王也 君子傷今而思古焉 刺者

刺其倉廩空虛政煩賦重農人失職

倬彼甫田歲取十千 倬韓作葑 倬明兒甫

多也箋云甫之言丈夫也明乎彼太古之時以丈夫稅田也歲取十千於井田之法則一成之數也九夫爲井井稅一夫其田百畝井十爲通通稅十夫其田千畝通十爲成成方十里成稅百夫其田萬畝欲見其數從井通起故言十千上地穀畝一鍾 補曰甫始也

一田畷統萬夫兼徹助之法倬然著明是周公法后稷始定田畝之制也噫嘻曰終三十里十千爲耦謂一川之間萬夫故取十千周制一鄉萬二千五百家家率一夫則一田畷領一我取其陳食我農人自古有年尊者食鄉也食陳箋云倉廩有餘民得賒貰取食之所以紓官之蓄滯亦使民愛存新穀自古者豐年之法如此補曰制十一之法嫌於重斂故明其意也我之取十千者非爲積斂乃欲以其陳穀於農人乏食之月貸予之此自古后稷所以備歉今適南畝或耘或耔黍稷薿薿耘一作芸說文引薿艸也耔雍本也箋云今者今成王之法也使農人之南畝治其禾稼功至力盡則薿薿然而茂盛於古言稅法於今言

治田互詞補曰農爲君民之本故今設農

官也適謂田官遣吏督課也南畝天子藉田

也禾美惡攸介攸止烝我髦士烝進也髦俊

在耘耔時也治田得穀

俊士以進箋云介舍也禮使民勸作耘耔閒

暇則於廬舍及所止息之處以道藝相講肄

以進其爲俊士之行補曰髦士官也既立

田畯統萬夫兼令興學於所舍止之處選而

進之於是立造士之制以歸老三公爲鄉老

卿大夫爲田畯教農子弟其良秀成學者進

之大學而官之是則治天下之本也王制曰

鄉之秀士升司徒再乃升學謂之造士與王

太子及士之適子齒其後乃升司馬爲進士

而論授以官其天子及士之子皆適長代父

位故不爲進士唯農民之子乃進耳謂之髦

士者本其始也髦士者致仕老臣所選升髦

選也亦老也

以我齊明與我犧羊以社以方

齊一作齋齋器實曰齊

在器曰盛社后土也方迎四方氣於郊也箋

云以潔齊豐盛與我純色之羊秋祭社與四

方為五穀成熟報其功也補曰齊醴齊明

明酌記曰縮酌用茅明酌也周官醴齊縮酌

記又曰明水浼齊少牢不用鬯故用明水浼

醴齊謂之齊明也用羊者珥祭也小子之職

掌以羊珥于社稷祈于五祀羊人凡祈珥共

羊牲方祀候禳用羊牲不用太牢也云犧者

本可用厯此

我田既臧農夫之慶

箋云臧善也我田事

重其事耳

已善則慶賜農夫謂大蜡之時勞農以休息

之也年不順成則八蜡不通補曰臧收也

農夫田畯也田既畢收又有慶賜
之典言天子重農禮義殷勤也
琴瑟擊鼓

以御田祖以祈甘雨以介我稷黍以穀我士

女

田祖先嗇也穀善也箋云御迎介助穀養
也設樂以迎祭先嗇謂郊後始耕也以求

甘雨佑助我禾稼我當以養士女也周禮曰
凡國祈年于田祖吹豳雅擊土鼓以樂田畯

補曰祈年在蜡先俱於夏正十月此先言

慶農者王於勞農故也田祖蓋后稷也前代

爲先嗇周以其爲祖而改稱焉種藝始於神

農收種始於后稷故曰先嗇蜡祭又有司嗇

則其方田神

未有主名

曾孫來止以其婦子饁彼南畝

箋云曾孫謂
成王也成王

來止謂出觀農事也親與后世子行使知稼

穡之艱難也為農人之在南畝者設饋以勸

之補曰凡周嗣王於事稷皆稱曾孫后稷

周之先祖也以與也其斥農人也監賜南郊

籍田農人酒食田峻至喜攘其左右嘗其旨

因及其婦子也箋云攘讀當為饗饁饗饋也

否峻一作俊田峻司嗇今之嗇夫也喜讀為饔饔酒食

也司嗇至則又加以酒食饗其左右從行

者成王親為嘗其饋之美否示親之也補

曰左右田峻之私臣也田峻尊矣可以為三

老五更天子所父兄事者至饔者至田峻之

室而設酒食謂不饗燕以珍

從也嘗旨否者侍食之禮禾易長畝終善

且有曾孫不怒農夫克敏易治也長畝竟畝

也敏疾也箋云禾

治而竟畝成王則無所責怒謂此農夫能且
敏也補曰此田畯告王詞也長畝言溝洫
治疆界正也怒讀爲努勉也王雖不親戒農
大夫勅之猶克使農民赴疾于功言田畯知
王意

曾孫之稼如茨如梁曾孫之庾如坻如京

茨積

也梁車梁也京高丘也箋云稼禾也謂有稟
者也茨屋蓋也上古之稅法近者納總遠者
納粟米庾露積穀也坻水中之高地也補
曰專言曾孫者藉田所收也稼種穀也分別
種陸臧於神倉積之

乃求千斯倉乃求萬斯

箱箋云成王見禾穀之稅委積之多於是求
千倉以處之萬車以載之言是年收踰前

也

補曰千畝

故求千倉也

黍稷稻粱農夫之慶

箋云慶賜也年

豐則

勞賜農夫益厚既有黍稷加以稻粱

補曰

稻粱者待賓客之加簠也農夫農大夫

也以

慶之者

報以介福萬壽無疆

箋云報者為之求福

蓋又

歸之食

助於

八蜡之神萬壽無疆竟也

補曰報下

報上

也農大夫得賜無所為報唯祝王福壽

耳

甫田四章章十句

大田刺幽王也

言矜寡不能自存焉

幽王

之時政煩賦重而不務農事蟲災害穀風雨不時萬民饑饉矜寡無所取活故時臣

思古以刺之

大田多稼既種既戒既備乃事

箋云大田謂地肥美可墾

耕多爲稼可以授民者也將稼者必先相地之宜而擇其種季冬命民出五種計耦耕事修耒耜具田器此之謂戒是既備矣至孟春土長冒櫛陳陳根可拔而剗之補曰大田天子藉田也多稼以我覃耜俶載南畝覃利也謂九穀之種備讀爲熾載讀爲蓄栗之蓄時至民以其利相熾蓄發所受之地趨農急也田一歲曰蓄補曰覃讀爲鐔三蒼說劒口也言播厥百穀耜利如劒南畝天子藉田之稱

既庭且碩曾孫是若

庭直也箋云碩大若順也民既熾蓄則種其眾

穀眾穀生盡條直茂大成王於是則止力役以順民事不奪其時

既方既阜既堅既好不稂不莠

實未堅者曰阜稂童梁也

莠似苗也箋云方房也謂孚甲始生而未合時也盡生房矣盡成實矣盡堅熟矣盡齊好矣而無稂莠擇種之善民力之專時氣之和所致之去其螟貳及其蠹

賊無害我田稗

貳韓作騰說文引作蠹食心曰螟食葉曰貳食根曰蠹

食節曰賊箋云此四蟲者恆害我田中之稗禾故明君以正己而去之

田祖有

神秉畀炎火

秉韓作卜炎火盛陽也箋云螟貳之屬盛陽氣羸則生之今

明君為政田祖之神不受此害持之付與炎火使自消亡

補曰四蟲在禾如人有蟣蝨

由陰雨得日光而生烈日照之則灾弭而蟲死

有渰萋萋興雲祁祁

渰雲祁一作弇雨祈渰漢書引作黶萋韓作淒

渰雲興兒萋萋雲行兒祁祁徐也箋云古者陰陽和風雨時其來祁祁然而不暴疾

雨我公田遂及我私

箋云其民之心先公後私今天主雨於公田因

及私田爾此言民怙君德蒙其餘惠彼有不穫穉此有不斂穧

彼有遺秉此有滯穗伊寡婦之利

秉把也箋云成王之

時百穀既多種同齊熟收刈促遽力皆不足而有不穫不斂遺秉滯穗故聽矜寡取之以爲利補曰穉未穫穀穧已穫穗秉把持將還者穗禾穗離枯落地者四者遺滯則不取

曾孫來止以其婦子饁彼南畝田畯至喜

箋云

喜讀爲饁饁酒食也成王出觀農事饋食耕者以勸之也司嗇至則又加之以酒食勞勸之爾補曰以與也饁賜南郊農人竝賜其婦子此與甫田分二時蓋藉田農人歲有二賜春秋省田時饁焉因皆至田畯家設酒來食所以優老念舊重道勸賢先王之大典

方禋祀以其騂黑與其黍稷

騂牛也黑羊豕也箋云成王之

來則又禋祀四方之神祈報焉陽祀用騂牲陰祀用黝牲補曰方鄉也藉田在南郊祭天之方禋祀昊天上帝用騂犢祀北郊北極大帝用黑牛飯用稷酒用黍蓋后稷肇祀用黍稷故後恆用焉
以享以祀以介景福
郊用三微之月

大田四章二章章八句二章章九句

瞻彼洛矣刺幽王也 思古明王能爵命

諸侯賞善罰惡焉

補曰洛當爲雒雒邑會同之地洛水雍州漆沮

瞻彼洛矣維水泱泱君子至止

興也洛宗周漑浸水也泱

泱深廣兒箋云瞻視也我視彼洛水漑漑以時其澤浸潤以成嘉穀興者喻古明王恩澤加於天下爵命賞賜以成賢者福祿如茨君子至止者謂來受爵命者也福祿如茨爲福賞賜爲祿茨屋蓋也如屋蓋喻多也韎韐有奭以作六師奭白虎通引作韎韎染韋也一入曰韎韐所以代韠也天子六軍箋云此諸侯世子也除三

年之喪服士服而來未遇爵命之時時有征伐之事天子以其賢任爲軍將使代卿士將六軍而出韎韐者茅蒐染也茅蒐韎聲也韐祭服之韠合韋爲之其服爵弁純衣纁裳也補曰李黼平說幽王元年晉侯仇嗣立明年會王子多父伐檜此蓋刺其除喪出軍

瞻彼洛矣維水泱泱君子至止韠琫有珌容韠

刀飾也琫上飾珌下飾天子玉琫而珌珌諸侯璜琫而璆珌大夫璚琫而璚珌士珌琫而珌珌箋云此人世子之賢者也既受爵命賞賜而加賜容刀有飾顯其能制斷
琫容刀蓋特賜將帥之佩朝不佩劍故賜君容刀琫而有珌皆飾以玉天子刀飾也
補曰韠

子萬年保其家室箋云德如是則能長安其家室家室親安之尤難安

則無篡殺之禍也補
日刺王所命不能自安

瞻彼洛矣維水泱泱君子至止福祿既同箋云

此人世子之能繼世位者也其爵命賞賜君
盡與其先君受命者同而已無所加也

子萬年保其家邦

瞻彼洛矣三章章六句

裳裳者華刺幽王也古之仕者世祿小

人在位則讒諂詔並進棄賢者之類絕功臣

之世焉

古者古昔明王時也小人斥今幽王也補曰瞻洛言外此篇言內